

# [Norveški jezik - A1 nivo]

## Informacije o instruktoru

### Instruktor(i)

Maja Domazet - Čupović

## Biografija instruktora

Maja Domazet - Čupović je rođena u Sarajevu 1982. godine, a 1991. godine se seli u Norvešku, u Kristiansand, gdje je stanovala do 2005. godine, kada se vratila u Sarajevo prvenstveno radi studija, nakon čega odlučuje ostati u BiH.

Maja ima završen bachelor Klasičnog novinarstva i Master Komunikologije na Univerzitetu u Sarajevu, ali i dopunsko obrazovanje sa Univerziteta u Kristiansandu iz Medijske komunikacije. Od 2011. godine radi u BIHAMK-u kao stručni saradnik u Sektoru za preventivu, obrazovanje i sport. Pored toga, ima višegodišnje iskustvo u predavanju norveškog jezika i ovlašten je sudski prevodilac za norveški jezik. Majina porodica živi u Norveškoj, zbog čega Norvešku smatra svojim drugim domom.

## Opšte informacije o kursu

### Opis kursa

Kurs norveškog jezika prati "På vei", knjige koje polaznike sistematski i postepeno uvode u norveški vokabular i strukture jezika, te im prenose korisne informacije o društvu.

Sistematsko i postepeno uvođenje - subjekti i teme su uzeti iz svakodnevnog života, škole i rada. Usmena upotreba jezika je glavna, a gramatika je usko povezana sa sadržajem u tekstovima. Na poledini udžbenika nalazi se mini gramatika.

Vježbanka - radna sveska/vježbanka ponavlja vokabular i strukture iz udžbenika. Zadaci daju dobru ravnotežu između individualnog rada, rada u paru i grupne razgovore. Za svako poglavlje postoje vježbe koje treniraju slušanje poimanja i zadatke kao provjeru da li su učenici shvatili nove elemente.

Web resursi za učesnike - sajt <http://pavei-oppgaver.cappelendamm.no/> sadrži vježbe za svako poglavlje koje treniraju slušanje, izgovor, gramatiku, vokabular i strukturu rečenice. Učesnici dobijaju direktne povratne informacije o odgovorima. Audio snimci i fraze iz svakog poglavlja su također tu.

Polaznici će nakon završenog kursa biti testirani pismeno i usmeno. Svi časovi će uključivati zadaću. To znači da će učenici morati raditi i učiti i mimo nastave da bi ostvarili uspjeh.

### Očekivanja i ciljevi

Polaznici će u toku kursa naučiti:

- razumjeti i koristiti poznate svakodnevnne izraze
- predstaviti sebe i druge
- odgovoriti i postaviti pitanja o osobnim stvarima
- pitati za upute, objasniti gdje je mjesto i kako doći do njega
- pisati male tekstove

- osnovnu Norvešku gramatiku
- razgovarati o tome što vam se sviđa i ne sviđa
- izraziti želje, emocije i predanost
- razgovarati o obitelji, stanovanju, osobnim financijama, zdravlju, poslu, itd.

## **Materijali/oprema potrebna za kurs**

### **Neophodni materijali/oprema**

Polaznici će dobiti elektronsku verziju relevantnih knjiga i audio materijal na početku kursa, nakon što uplate prvu ratu.

### **Poželjni materijali/oprema**

Polaznicima se preporučuje da nabave norveško - bosanski/hrvatski/srpski rječnik. Na ovoj stranici se mogu naći neki od njih: [http://www.knjiga.ba/catalogsearch/result/?q=norve%C5%A1ki&dir=desc&order=created\\_at](http://www.knjiga.ba/catalogsearch/result/?q=norve%C5%A1ki&dir=desc&order=created_at) .